





*Præf. Num. 29.*

*1671. 45*

*28*

DISPUTATIO INAUGURALIS  
JURIDICA  
DE

ACTIS PUBLICIS  
SIVE  
JUDICIALIBUS.

*Quam*

Magnifico Facultatis indultu

PRÆSIDE

DN. JOHANNE STRAUCHIO,

Jcto, Antecessore, Sereniss. Ducum Saxoniae, nec non Celsissimi Principis, Dn. FERDINANDI ALBERTI, Ducis Brunsvic. & Lünæ-burgensis, &c. Consiario, Facultatis Juridicæ Seniore, Curiae Provincialis & Scabinatus Assessore gravissimo, ac p. t. DECANO splendidissimo,

Dn. Patrono atque Promotore suo singulariter de venerando atque suspiciendo

PRO LICENTIA

Et summis in utroque Jure consequendis honoribus

Privilegiisque Doctoralibus,

*Publicæ eruditorum dæquisitioni submittendo,*


*defensum ibit*

EPHRAIM WAGNER, SULA FRANCUS,

Designatus Præfectus Rörnholdensis.

*Ad diem 12. Aprilis, MDC LXXI.*

JENÆ, TYPIS JOHANNIS NIS







I. N. S. T. A

**A**Nsa de Actis publicis præsentem inauguralem Disputationem conscribendi, quæ mihi fuerit, haud multis, Benevole Lector, ex me quæras, nec faciliè quendam vitæ meæ hæctenus gestæ gnarum admiraturum puto; Quemadmodum enim miles de bello, armisque; Negotiator de mercibus quotidie ipsi obvenientibus verba facere consuevit, Ita & me aliquot ex annis praxi deditum non inconcinnè de Actis publicis, utpote re hæctenus semper mihi in oculis manibusque versante, nec non à nemine, quantum mihi constat, in hæc formâ unquam tractatâ, nihilominus maximè desideratâ, publicè disputaturum, eòq; ut & aliis necessariis speciminibus profectuum talentum exhibiturum, sum opinatus. Ad quem laborem bonè cum DEO me accingo, illum, quâ fieri potest, brevitate pro ingenii modulo subsequentiis thesibus inclusurus.

Th. I.

**A**cta nativò laxoque significatu dicuntur, quæ aguntur, & quodlibet factum designant, sive re sive verbis quid agatur, sive fiat corpore sive animo & voluntate, sive committendo sive omittendo; Quo sensu contradistingvuntur simulatis *in tot. Tit. C. plus val. quod ag.* Sic Tacito *34. de morib. Germ. in f. Acta Deorum* dicuntur, de quibus sanctius & reverentius Druso visum credere quam scire. Huc pertinet quæstio Martæ: Acta facta tempore Tyranni an valeant? *part. 1. ff. noviss. c. 17. p. 7.* & facta per procuratorem revocatum num valeant? *ibid. c. 18.* Ita Acta Principis, Syllæ, Cæsaris, quæ Princeps, Sylla, Cæsar egerunt, quæ ipsa à potiori, quatenus scilicet isti considerantur, ut personæ publicæ, non tam de eò, quod ut privati egerunt, quàm de his, quorum auctores actoresque civitati potestate sibi debitâ aut sumtâ, fuerunt, exaudiuntur, unde porrigit etiam hoc loquendi genus apud Rom. usitatum ad id, quod civitas egit, illustr. Bœcler. *in Disp. de eo quod Civit. egit*, ut non minus Acta Civitatis dicat, quàm Principis, Syllæ, Cæsaris. Huc quadrat usitata Rom. phrasis: In acta Principis Jurare, quod idem est a c, juramento polliceri, se omne id, quod Princeps egerit, ratum firmumque habiturum, nec quicquam eorum mutaturum, aboliturum. Vid. Tacit. *1. Annal. 72. 2. & 4. 42. 5. ut & 13. 11. 1.* Quod, qui non faceret, pro perduelli habitus, *idem. 10. Annal. 22. 6.* Qui mos eosdem cum servitute Pop. Rom. natales habuit. Alio strictiori sensu opponuntur Acta, gestis, contractis, ut & facta à gestis differre Gajus fatetur in *l. 58. ff. de V. S.* Vide *D. d. ad l. 19. n. 4. 7. 9. & seqq. & n. 43. de V. S.*

Th. II.

Transfertur inde ea notio *usarum* à contento ad continens, ut actorum vocabulo volumina atque libri nominen-

minentur, in quibus ea, quæ sunt acta, signantur. vid. *Bæcler. d. Diss. de eo. qu. civ. c. 9. §. 1. in f.* Quo sensu idem ferè sunt quod Commentarii, aut Commentaria de quibus Trajan. *ad Plin. 10. Ep. 96.* Dedisse me jus 3. liberorum Svetonio Tranquillo eà conditione, quâ assvevi, referri in commentarios meos jussi, quod negligi à suis Gallis queritur *Budæus l. abesse ff. ex quibus causis majores.*

Th. III.

Ista acta sunt vel publica vel privata. Neque enim audiendus est Valla, qui inter acta & gesta hoc discriminis assignat, quod gesta sint in administratione Magistratûs, & in rebus majoribus & ad Rempubl. vel ad plurimos spectantibus, Acta verò rerum privatarum; Quod doctissimè refutat *Alciat. ad l. 19. ff. de V. S. & l. 58. ff. eod.* Publica (de quibus in præsentiarum acturi sumus) diversimodè dicta: modò ratione causæ efficientis, quæ scilicet conficerentur apud publicas personas, ut sunt ipsi Judices, Actuarii, Notarii; Modò ratione proprietatis locive, in quo custodirentur, quæ scilicet ad fiscum, vel ad commentaria Principis, vel ad grammatophylacium pertinerent; modò ratione objecti sive materiæ, libri scil. atque tabulæ, quæ publicæ civitatis acta continerent, vel in quibus scriberentur res gestæ Principis, aut Populi, aut etiam Leges, *Vid. Cic. 1. & 2. Philipp.* Hinc Acta Patrum ap. *Tacit. 5. ann. 4. 1.* Ubi Junius Rusticus dicitur componendis Patrum actis delectus à Cæsare. It. Acta diurna *Tac. 13. Ann. 31. 1.* scil. urbis, quæ ut aliàs præcipuè ex eò sic dicuntur, quod per singulos dies fiant & scribantur, ita præterea *Tacito l. 2.* in eò opponuntur Annalibus, quod in hos res illustres, memoriæque dignæ, in illa vulgaria, e.g. de structura Amphitheatrorum, eorundemque fundamentis atque trabibus &c. mandentur, quod reperitur ita ait ex dignitate Pop. Romani. Alibi diurna Pop.

Rom. vocat 16. *Annal.* 22. 7. alibi diurnam actorum scripturam 3. *A.* 3. 2. Germanicâ, quanquam potius hybridâ, voce diceret, *Xömische Chronick*. Inde etiam *acta publica* Tacito 12. *Annal.* 24. 4. ibi: publicis actis scriptum; quasi diceret: *Es sey ins gemeine oder öffentliche Rathsprotocoll oder Handels-Buch/ oder Raths-Buch getragen worden* nempe ut Lipsius habet ad *Senec.* 2. *de benef.* 10. 27. Acta confici solebant rerum memorabilium vel in populo, vel Senatu, atque ea per certos huic curiæ destinatos homines describi, tum publicari. Ex talibus actis Vopiscus se historiam suam sumsisse scribit. Itaque proverbii in speciem dictum: In acta mittere *Senec.* 1. 2. Beneficium in acta non mitto, h. e. non publico, non posteritati trado. *Conf. eund. Lips. ad. 4. Ann. Tac.* Et hæc adeo publica *ἄγαντα* sæpè Actorum voce denotantur *Gæd. ad l. 19. ff. de V. S. n. 8.*

Th. IV.

Nobis cum istis actis publicis, quæ ratione objecti sic dicuntur, nullum in præsens negotium. Erit autem de iis, quæ ratione personarum, per quas, & coram quibus conficiuntur, nec non ratione loci asservationis talia dicuntur. Et quò melius discernentur à reliquis, Judicialia nuncupata, quâ voce, præter ea, quæ de loco conficiendi aut asservandi, nec non de personis ipsis conscientibus subinnuit, materiam nostris quoque peculiarem indigitamus, scilicet negotia quæ in judiciis tractantur.

Th. V.

Sunt itaque nobis Acta publica judicialia sive Judicii, quæ & Regesta, vulgariter registra, quasi Regestaria *l. cum Servus ff. de cond. & demonstr. l. Prætor §. 1. ff. de e-dend. l. charta ff. de Bon. poss. secundum Tabul. l. emtor. §. Lucius ff. de Pabf.* quod scil. res gestas seu actas contineant,

ncc



ne non barbarâ voce aditâta dicuntur, omnes scripturæ  
Curia sive iudicii, factæ coram Iudice, vel eo mandante, &  
scriptæ, s. registratæ manu officialis scil. Tabellionis ad hoc  
deputati, partibus præsentibus, ordinem negotiorum, mo-  
dum & figuram continent. *Klock. Relat. 3. n. 7.* Vel sunt li-  
bri Iudicarii, quibus omnia ac singula, quæ in iudiciò tam  
contentiosò quàm voluntariò, vel ab ipsò Iudice, vel parti-  
bus, sive oretenus sive in scriptis peraguntur, atque propo-  
nuntur, Actuarius fideliter or dineque consignat atq; con-  
gerit. Vel, ut accuratius habet *Ruland de commiss. p. 2. l. 5.*  
*c. 6.* Instrumenta publica, quæ inter partes coram aliquò  
Magistratu gesta continent. Dicuntur instrumenta, quia  
litteris consignata esse oportet, adeoque Scriptura est de es-  
sentia actorum, quatenus nempe ut hic, volumina atque li-  
bros denotant, in quos referuntur ea, quæ in iudiciis agun-  
tur. Dicuntur publica, quod autoritate publicâ, h. e. co-  
ram Iudice, qui est persona publica, aut conscribuntur aut  
in formam publicam rediguntur. *Rul. cit. loc.* Hinc nihil  
refert etiamsi pars actorum à privatis scripta & exhibita;  
Iudex enim ad acta colligit, bringet es ad acta; Unde vulgò  
dicitur; Ad acta legen/ es wird pars actorum. Pro quâ ope-  
rà quantumvis levissimâ haud oblivisci solent honorarii sui  
avarî Iudices. Hac ipsâ voce, distinguuntur ab actis pri-  
vatorum, quæ pars quæque sibi ad privatam suam noticiam  
colligere consuevit. Porro dictum inter partes, ut distin-  
gueremus à libris atque litteris, ad istos pertinent statu-  
ta, Libri censuales, *Raths-Bücher/ Straff-Bücher/*  
*Forst-Saak-Steuer-Lehn-Gerichts-Handels-Erb-Recess-*  
*Wälder.* Ad hos verò privilegia, *Steck/ Dezwelbrieffe/*  
de quibus omnibus ac singulis quò minus ageremus in hoc  
specimine & tempus & institutum cohibuit.

Th. VI.

Th. VI.

Circa existentiam actorum quæstio movetur; An nempe præsumantur? Quæ quidem differt ab illâ; An acta præsumantur justa? Nam prior quæstio de casu loquitur, quò acta planè non apparent, & de ipsâ eorum existentia dubitatur; Posterior verò de casu, quando apparent & existunt quidem acta, sed de debitâ ipsorum formâ non constat, quæ ad locum de formâ actorum pertinet. Negamus autem hanc nostram quæstionem per *Surd. conf. 249. n. 6. ibiq. alleg. Dd. in tantum*, ut licet producatur sententia, nihilominus non præsumantur præcessisse, *Bart. in l. illud. ff. de acquir. hered. Klock. Relat. 3. n. 40. nec juvat mentionem factam fuisse actorum in sententia Gail. 1. Obs. 134. n. 15. alleg. Klock. Relat. 125. n. 26.* quando dicit: Quòd in Actis non apparet, omissum & nunquam intervenisse censetur.

Th. VII.

Acta Judicialia variè dividuntur, & quidem potissimum ratione Materiæ, tum formæ quoque, nec non causæ efficientis atque accidentium; Ratione Materiæ dividuntur (1.) In acta voluntariæ, & contentiosæ Jurisdictionis; Hæc sunt, quæ coram Judicè competente præviâ causæ cognitione ordinariâ peraguntur; Illa, quæ absque ordinariâ cognitione coram Judicè quovis fiunt. Ubi observandum, illa his interdum misceri, per accidens nimirum, quando probationibus inserviunt atque harum pars fiunt, wann Sie zu bescheinigen/ oder Beweis als documenta gebraucht/ und ad acta gebracht werden. Acta contentiosæ Jurisdictionis subdividuntur in Ordinatoria Judicii, & Acta causæ, & hæc iterum in probatoria sive instructoria, & decisoria. Hæc divisio decidit litem, quam nonnulli Doctores movent; An scilicet ante litis contestationem acta incipiant? It. An sententia pertineat ad acta? Si enim cum Baldo & Thulde-  
no

no *in not. ad Damhouder. prax. civ. cap. 149. lit. a.* Dicis: Ante litis contestationem esse quidem acta posse ordinatoria sive præparatoria litis, non verò acta causæ propriè sive in specie dicta; Item sententiam pertinere utique ad acta, non quidem ordinatoria Judicii, sed ad acta causæ & quidem non ad probatoria sed decisoria, ad quæ se habet per modum termini, planè ut unitas ad numerum principii rationem habeat, res in plano nobis esse posita videtur, ut prolixiori altercatione non egeat. (2.) Acta dividuntur ratione Materiæ in 1. Civilia. 2. Criminalia, quò etiam Inquisitoria, Inquisitionalia Acta. Ratione causæ efficientis distingui videntur in acta (1.) primæ (2.) secundæ instantiæ, quorum ista scripta à Judice à quo, hæc à Judice ad quem, nisi malis & hanc divisionem ad materiam referre, ut secundæ instantiæ acta dicas ea, quæ versantur circa gravamina ad judicem superiorem delata; Qua ratione diceres etiam leuteratória, sive *Leuterungs Acta*, quæ versantur circa gravamina coram eodem judice contra ejusdem sententiam interposita, *Carpz. Proc.* Ratione formæ acta, tanquam analogum in sua analogata, distingui solent in originalia sive authentica, & copialia, quæ & exempla vocantur. Ab accidenti denique proficiscitur divisiuncula actorum in publicata & non publicata.

Th. VIII.

Causa actorum primaria atque principalis est Judex, qui potissimam ipsis auctoritatem conciliat, adeoque acta ab Actuario non possunt fieri sine judice, *Bertach. in repert. jur.* Hic competens sit oportet, atque habilis, si secus, nulla sunt acta, quæ coram ipso confecta. *C. si à non comp. judic. per tot. Surd. conf. 204. 4.* Et is, qui adversarium coram Judice incompetente vexat, in expensas primi Judicis

B

con-

condemnatur. secundum gloss. in cap. ex Tenore vers. careat  
extra de rescript Farinac. lib. 1. Con. 49. n. 2. vers. nec non.  
Possunt tamen etiam coram incompetente validè fieri, si  
nimirum iurisdictio prorogatur. Carpz. Proc. Tit. 2. art. 1.  
num. 17. & 18. nec pars fori declinatoriam atque incom-  
petentiæ exceptionem ante litis contestationem opponat.  
Tunc enim in illum quasi consentit, & ex hoc quasi contra-  
ctu litigantes obligantur instantiæ, ita ut in ea usque ad fi-  
nem persistere cogantur. Avt. qui semel. C. quomodo &  
quando Jud. Valent etiam acta per iudicem inhabilem,  
si communiter habitus pro habili. l. Barbarius. 3. ff. de off.  
Pret. Causa instrumentalis & secundaria, quâ ad ea confi-  
cienda Judex utitur, est Actuarius. Sueton in Jul. cap. 55. conf.  
Senec. Ep. 33. sive ab actis, aut à curâ actorum *Empvnyuôloga-*  
*φ* vocatur, quem sequior ætas Proto collistam, alii Com-  
mentariensem, Tabellionem, seu Tabularium, Excepto-  
rem, Secretarium item, aut Scribam iudicii, *Gericht-*  
*Schreiber* appellat. A notis quoque Notarii dicti, quod  
compendio quorundam punctorum, signorum & minuta-  
rum figurarum verba, aut vim syllabarum, orationesq; totas  
quantumvis præcipitatas, quàm velocissimè comprehende-  
rent. Conf. Pet. Fabr. ad l. 92. de R. J. & Lult. eod. in f. Gl. in Lin-  
ter eos ff. ex quib; causis majores. Horum necessitas tanta est,  
ut dubitatū fuerit, num Judex ipse, præsertim si sit Notarius,  
acta conscribere possit? De quâ quæstione videatur Dn. Zieg.  
ad Inst. Lancellotti tit. de in jus voc. p. 725. Berl. P. 1. concl. 8. n.  
48. Marta. Dig. Noviss. c. 12. p. 6. Bertach. in repert. jur. p. 52. b.  
ubi limitat negativam in casu, quò proceditur de plano,  
ibi enim iudicem quem posse esse simul & Notarium, adeo-  
que ipsum acta literis consignare. Tusch. concl. pract. 88.  
Acta judicialia per quem scribi debeant? ubi allegat Ant. de  
But.

But. *consil. 32. n. 2.* & rationem subjicit, quia acta scribi debent de mandato Judicis, & quia nemo potest sibi mandare, nec duplici officio fungi (intellige si duo sint incompatibilia ut hic) nempe Judicis simul atque testis, ibique similiter excipit causas leves, viles, atque breviores, quæ non excedunt quinque scuta. Dn. Philipp. *in obs. 2. ad Decis. nov. Sax. Elect. 45. n. 13.* hanc quantitatem arbitrio Judicis relinquit. Vide de hac necessitate clarum textum *in c. quoniam n. extr. de probat.* Cui sententiæ favet etiam hodierna praxis. *Vid. ordin. Cam. p. 1. s. 59. & Caroli V. ordin. Crim. t. 1. in foro presertim Saxonico.* Vid. *Proceß-und Gerichts-Ord. t. 2. S. Also versehen wir uns / & noviss. Decis. Sax. Elect. 38.* Nach dem aber. Dn. D. Philipp. *in noviss. suis observationibus, ad dict. dec. 38. obs. 2. pr.* Videatur tamen D. Philipp. ubi quoad civilia negotia limitatur hæc sententia in actibus voluntariæ Jurisdictionis. Exceptis insinuationibus donationum, & ultimarum voluntatum, quæ & ipsæ coram actuario fieri, atque ab eo registrari debent.

Th. IX.

Cæterum de Actuariis duplex occurrit consideratio, altera de requisitis, altera de officio eorum. Illa latè persequitur Dn. Philipp. *d. Observ. 2. ad Decis. Sax. 39.* Unde ista strictim excerptisse suffecerit, quod nempe (1.) debeant Actuarii Judicis, quibus adhibentur, peculiari juramentò obstricti esse *n. 5.* & quidem in præsentia subditorum, iis conspicientibus & audientibus, *n. 8.* quia nimirum summa fides requiritur in his personis, & earum scripta formam publicam auctoritatemque habent *n. 15.* (2.) Legales h. e. idonei, qui jurium rationisque procedendi satis gnari, *n. 16.* & processum justè ac legaliter dirigere didicerint *n. 18.*

B 2

1799.

segg. An (3) requiratur ut sint Notarii publici, vel ab ipso Imperatore vel comite Pal. renunciati, latè itidem disputat n. 25. & in civilibus pro negativà concludit secutus d. *Decisiones Sax. Elect. 38. §. Jedoch ist solches allein von Dürgerlichen.* Dissentit *Berlich. p. 1. concl. 8.* Quod officium ejus atinet, generaliter in eo consistit, ut universa negotia, quæ in Judiciis occurrunt, competenti ordine fideliter atque diligenter conscribat atq; congerat, designando & tempora, & personas earumque sermones. *c. 11. vers. statuumus X. de probat. Conf. Dn. Carpz. crimin. ubi de registratura responforum ad articulos inquisitionales, quod nempe, quantum fieri potest, ipsa inquisiti verba retineri debeant, quod alibi etiam traditur de testium depositione. Debet autem ipsa acta scribere in tantum, ut absens vel alià justà causà impeditus suum amanuensem, vel alium suò arbitriò substituere haud quaquam possit, sed hoc cum consensu & approbatione Judicis faciat necesse sit. Berlich. p. 1. c. 8. n. 32. 33. 34.* Plura de officio actuariorum vide apud *Thulden. in Damboud. prax. civ. c. 149. Rosbach. proc. p. m. 87. & seq. & omninò Carpz. Proc. t. 2. art. ult.* Item *Churfürstl. Oberhoffgerichts Ordn. Tit. von den Notarien des Gerichts & alibi passim.* De quæstione, num inchoata per unum, perfici possint per alium. Vide *Bertachin. repert. p. 53. a. Col. 1. inf.*

Th. X.

Sunt autem acta legaliter conficienda, sine talibus enim Judici non creditur *Westnb. in Tit. C. de Jurejur. n. 61.* Et si secus, ipsam vitiant sententiam *Don. lib. 27. c. 6. ibique Hillig. not. lit. C.* Nec regulariter convalidari possunt. *Tusch. Concl. 94. lit. A.* Sed de novo apud eum, ad quem devoluta causa

causa est, repeti debent *Wurmser. observ. 33. n. 3.* Suam  
itaque requirunt formam, quæ generaliter in scripturâ con-  
sistit; Estque hæc aded necessaria, ut sine eâ, quemad-  
modum suprâ attigimus, acta, prout quidem volumina, li-  
bros, aut instrumenta denotant, ne quidem concipi possint.  
Alia enim est quæstio: An acta h. e. ea, quæ in Judiciis a-  
guntur, nempe materia sive objectum dictorum volumi-  
num, scribi sive literis consignari præcisè sit necessarium,  
vel num acta scripta in unaquâq; causâ requirantur? Quod  
asserimus cum *Lancellotto in Inst. Jur. Can. t. de in jus vo-  
cand. §. ibi:* qui universa acta Judicii conscribant. *ibiq. Dn.  
Ziegler. p. 725. Add. Surd. l. 3. Conf. 326. n. 25. Dd. in cap.  
quoniam X. de Probat.* Acta enim vehiculum dicuntur ad  
sententiam *Bald. in c. cum super in f.* aded ut pronuntiatio  
facta per judicem, non habitis actis non valeat, etiamsi sen-  
tentia esset bona & rectè lata. *Osasc. Decis. 1. n. 39.* quem se-  
quuntur & alii Autores. ut *Jas. in l. si is apud quem C. de in  
jus voc. Bald. l. 2. C. de edend. & in l. 1. ff. de Feriis.* & nisi  
fieri curet Judex, ut acta scribantur, partibus tenetur ad ex-  
pensas, quas scil. erogare solent ad repetendam causam, nec  
non infamia notatur talis Judex. *Græv. ad Gail. 1. Obs. 234.  
Concl. 84. n. 5. Conf. Gilbauf. arb. Judic. c. 6. p. 1. §. 12. p. 239.  
Myns. Cent. 1. Obs. 11.* Ab ea regula excipiuntur à nonnullis  
causâ, in quibus sententia fieri potest sine scriptura. *Bart. &  
Dd. in Auth. Nisi breviores C. de sentent.* nempe viles atque  
levissimæ. Sed ab his divortium meritò facit *Dn. Ziegler  
l. c. nec non Socin. de Reg. Jur. Reg. 9. Bart. in l. ne in arbit.  
C. de arbit.* quibus non obstat, quod acta non requirere di-  
cuntur scripturam, nisi ubi quoque libellus & sententia scri-  
pta requiratur; Nam ex his non sequitur, propterea ne qui-

dem postea qualemcunque actoris petitionem, reique respõsionem, nec non sententiam ipsam quanquam ore-  
tenus latam, in scripturam ab Actuario referendam esse. Hoc  
ipso autem, quò scriptura requiritur, patet, testibus ad acta  
haudquaquam opus esse. *Dambouder. prax. resp. Civ. c. 149.*  
*n. 10. Et n. ibig, Thulden. l. 7.* Quid enim attinet Testibus  
probari, quod scripturà demonstrari potest? Modus autem  
scribendi in his consistit, ut scribantur acta (1.) Sincerè atq;  
verè, quæ excludunt errorem atque falsitatem; Hæc enim  
nulla reddunt acta, adeò ut quemadmodum apud *Hillig.*  
*ad Don. l. 27. c. 6. lit. e. in not.* In actis, si error sit, sententia  
se referens ad illa, vitietur, quod haud dubiè de falsis quoq;  
asserendum. Et ad evitandam omnem suspicionem falsi-  
tatis rectè requiritur *in c. 11. X. de probat.* ut Actuarius om-  
nia in præsentia Judicis vel assessorum registrare debeat.  
*Philipp. Decis. 38. Obs. 2. n. 21.* (2) Integrè quoque scribi  
debent, nec manca esse, aut mutila, alioqui fidem similiter  
haud faciunt, & Judex tenetur ad interesse & arbitrariè pun-  
nitur *Gail. 1. Obs. 134. n. 12.* Quando verò integra dicantur  
vid. latè apud *Tusch. pr. Concl. 87.* Cæterum ad integrita-  
tem actorum vel agnoscendam vel conservandam facit in-  
stitutum daß sie richtig geheffet und foliret werden sollen.  
De quo vid. *Neue Churf. Sächs. Erled. in Justitz Sachen*  
*S. 16. vers. würde man aber* (3.) cum loco, die & consule.  
*Grav. ad Gail. 1. O. 314. concl. 84. n. 10.* Hoc est; acta con-  
ficiens scriba, à quibus, coràm quo, quò tempore, & quò  
in locò scripta sint, explicare debet, ut habet *Bertach. in re-  
pert. Jur. p. 54. a. in med.* Quoad temporis circumstantiam  
disputari vulgò solet, num noctu quoque fieri acta possint?  
It. partibus absentibus? Deinde adjicitur, tempore feriato  
fieri



fieri regulariter haud posse. Sed hæc quæstiones ad nostrum institutum non pertinent, cum tractemus non de objecto sive materia actorum h. e. de validitate eorum, quæ in judiciis geruntur, de quibus intelligendæ sunt istæ quæstiones à Maranta doctè tractatæ, sed de voluminibus, in quibus acta consignantur. Quanquam conveniat eò, unumquodque tempore scribi, quò gestum, & prohibitum utique censeamus perversum quorundam Judicum atque actorum morem, quò acta vel nulla, vel confusa, tum demum ex crebrò suo conscribunt, ordinant, corrigunt, quando avocantur à superiore ad examinandam causam. Istud de tempore, quò conficienda sunt Acta, adhuc sciendum, statutum esse de Jure Saxonico septiduum Advocatis pariter ac Actoribus, intra quod illi positiones suas sub poenâ absolvere, hi verò easdem sollicitare, mandataque, & quæ ad legitimationem pertinent, ab iis exigere coguntur. Vid. *Churf. S. Appell. Ordn. Beylage in corp. Sax.* Item *Capzov. Proc.* Cæterum utut pro actis non existentibus, quemadmodum supra diximus, non præsumatur, quando tamen existunt atque conscripta apparent, justa præsumuntur, solennia, & valida. Vid. *Nov. Decis. Sax. 3. & ibi Philipp. Obs. 1. & 2.*

Th XI.

Materia Actorum circa quam, sive objectum, sunt actus & negotia judiciaria. Donell. *lib. 26. c. 8. ibique Hællig. lit. D.* quæ in genere Processus vocatur *In der Churf. Appell. Ordn. T. von den Bothen ibi. und andere Prozesse.* Nempe Libellus, citationes, prerogationes, reculationes, legitimationes, cautiones, positiones, exceptiones, recognitiones, petitiones, interrogationes, responsiones, confessio-

nes,

nes, Testium depositiones, eorundem & instrumentorum productiones, attestatorum publicationes & disputationes, inrolutiones, sententiæ tam interlocutoriæ, quam definitivæ, earum publicationes, Leutationes & Appellationes, harum insinuationes, interpositiones, introductiones, Prosecutiones, Justificationes, Ordo, designatio temporum atque personarum, Transactiones, compromissa, Protestationes, Renunciationes, Juramentorum de- & Relationes, ad ea oblationes, eorundem præstationes, atque remissiones, supplicationes, collationes, & quæ sunt alia. Inter quæ hoc discriminis est, quod alia ab ipso iudice per Actuarium conficiantur atque scribantur, ut sunt: Citationes, registraturæ, sententiæ; alia à partibus jam scripta iudici offeruntur, ut sunt Libellus, & similia producta, uti vocant, aut documenta, ex quibus illa, quæ pro solâ iudicis informatione exhibentur, ab eo quidem recipi solent, sed ad acta, ita ut inseparabilis illorum pars fiant, adeoque parti adversæ communicari debeant, referenda non sunt; exempli gratiâ: Sententiæ informatiæ, allegationes & id genus alia Vid. Tusch. *Concl.* 87. n. 8. ubi distinguit inter producta & exhibita, add. Mart. *Dig. noviss. p. 1. pag. 6. c. 5.* Quando autem ita exhibitum quid censeatur, ut de actis iudicii efficiatur. Vid. Don. *Lib.* 23. c. 6. *ibique Hillig. Lit. D. Tusch. concl.* 86. & 89. n. 6.

#### Th. XII.

Locus, ubi confici atque conservari acta debent. Iudicium est; Ita tamen ut quod ad confessionem attinet, iudicium intelligatur, ubicunque aliquid autoritate iudicis legitime fieri potest; Cum igitur certis ex causis, etiam extra consuetum iudicis locum, cum autoritate tamen iudicis actus

actus judiciales exerceri queant, v. g. quando honesta perso-  
na in domo propria coram Actuario, aliisque fide dignis  
personis hunc in finem per Judicem admittis jurare solet,  
non est dubitandum quin ibidem id quod agitur, literis  
quoque consignari possit vel etiam debeat. Conf. Carpz.  
*Proc. t. 14. art. 2. n. 89.* Imò acta quoque unius judicii pos-  
sunt fieri in diversis locis, ab eodem tamen iudice, non ha-  
bente certum tribunal majorum suorum. Vid. Berlich. p. 53.  
a. pr. Confecta verò apud Judicem, vel penes scribam, aut  
Actuarium, in loco publico ad hoc destinato, qui apud eos,  
qui hoc Juris habent, Archivæ, Item Cancellariæ Cansleyen.  
It. Scriinium vid. Mar. Gribald. *de partib. ad. c. 2. l. 1.* Item  
Grammatophylacium &c. apud minorum verò gentium,  
Judices Reposituræ Judiciales *Verichtz-Repositurn* vocantur,  
reponenda atque conservanda. Vid. Mascard. *v. i. de Probat.*  
*Concl. 32.* Chilian König *Proc. c. 91. n. 4. vers.* Denn die A-  
cta. Köppen *Dec. quest. 46. n. 14.* Hinc reprobandus ma-  
lus quorundam Judicum mos, qui patiuntur aut commit-  
tunt, ut acta inter privatos parietes distrahantur, aut qui  
certum, dignumque reponendis iis locum haud destinant;  
Actorum Cam. Imp. custodia, ad Reverendissimum Archi-  
episcopum Moguntinum spectat, vid. Mart. Dig. *nov. p. 1.*  
*pag. 5. c. 4.* Blum. *in. i. Cam.* Et hæc quidem quæ de actorum  
conservatione diximus, tamdiu obtinent, donec vel eden-  
da vel transmittenda. Edi verò h. e. copia eorum fieri debet  
cuilibet, cujus interest; Interesse autem reverà eorum dun-  
taxat dicitur, qui commune jus in iis habent, nempe partes  
invicem litigantes. Vid. *Dd. ad l. 2. C. de edend.* Et latè  
Carpzov. Obtinetur ista editio si recusetur, per compul-  
soriales à superiore impetrandas. *Gail. 1. obs. 134. & ibi*

C

Gra-

*Grævan.* Transmitti solent, Acta vel in Collegium Juri dicum, vel ad superiorem. Illam transmissionem præcedit Collatio, Inrotulatio, Sigillatio, ad quos actus, quemadmodum & ad aperiendum, & resignandum consilium, partes, quò omnis Judicem suspicionis arguendi præscindatur anfa citari debent. Ludolph. Schrader. *Tr. de Feud. part. 10. Sect. 14. n. 31. 32. 33.* Carpzov. *process.* Partes quorsum mittere velint acta, si conveniunt, illis judex deferre tenetur, sin minus punctum hunc decidendi facultatem habet. Carpzov. *Proc. Tit. 16. art. 1. n. 35. 36. 37. & 38.* Ad superiorem Judicem transmittuntur, quando causa vel avocatur, vel ad eundem per appellationem devolvitur. Hic latè agere possemus de Actis primæ instantiæ nisi temporis penuria obstaret. Conf. N. Sächs. *Erledigung in Justiz-Sachen* §. 93. *ibi wie es mit Abfolgung der Acten prima instantiæ zu halten?* Ubi habetur quod debeant mitti (1.) Originalia (2.) integra (3.) absque præciò (4.) obsignata (5.) aut ipsi appellanti extradantur, aut ejus sumtibus per tabellionem juratum insinuentur. Hic notandum ex Martæ *dig. nov. p. 1. c. 21.* Acta præsumi integraliter transportata. Hanc transmissionem actorum primæ instantiæ ad superiorem sequitur eorundem productio, quæ justò tempore fieri debet, sufficit, modò adsint in termino Justificationis Carpz. *Proc. T. 18. art. 5. n. 77.* Finità appellationis instantiæ, appellans acta Judicis à quò vel ipse vel per Tabellionem juratum sub poenà arbitrarià insinuare obstrictus est. N. *Erledigung in Justiz-Sachen. §. 53. inf.*

Th. XIII.

Actorum ita ritè confectorum atque repositorum effectus hi sunt, quod (1.) plenè probent, iisque credendum sit  
sine

sine Testibus Tuld. *ad Damboud. prax. civ. c. 349. lit. I.*  
Gail. *1. Obs. 234. n. 12.* Carpz. *Proc. Tit. 14. art. 3. n. 33. seqq.*  
Wesemb. *ad Cod. T. de Jurejur. n. 61.* etiamsi iudex sit mor-  
tuus vel remotus, qui de causa cognovit & publicavit Coler,  
*de Proc. execut. part. 4. c. 1. n. 151.* Ita ut super actis se fun-  
dans non præsumatur calumniari, Græven. *ad Obs. Gail. l. 1.*  
*O. 134.* Ubi limitat nisi ab alterâ parte impugnentur, cui li-  
mitationi applaudit Wesemb. *ad Col. Tu. de Judic. n. 143.*  
& hâc ratione concludit, acta (puta quando impugnantur  
ab adversario ratione formæ) parere saltem præsumtionem  
Juris, non verò de Jure, sed admittere probationem in con-  
trarium. Ampliatur hæc vis probandi à Doctoribus ita ut a-  
cta facta in unò judiciò, probare dicantur etiam in alterò,  
præsuppositis tamen his quatuor requisitis, ut nempe facta  
sint (1.) inter easdem non diversas personas 2) sint proba-  
toria, nec saltem ad litis ordinationem spectantia, (3.) pu-  
blicata (4) denuo producta. Si enim inter alios facta, alteri  
non præjudicant Tot. *Tit. ad Res inter aliso act. & Tu. quibus*  
*res rud. non poi. Surd. Conf. 358.* Nisi plures habeantur loco  
unius l. heredes §. idem scribit & §. si cum eo ff. Famil. herisc.  
Quamvis benè etiam probent contra tertium, ad hoc nimi-  
rum, ita rem gestam esse, uti in actis dicitur, alleg. *Surd. Conf.*  
*170. n. 23.* Similiter si saltem ad litis ordinationem spectant,  
nullam probationis vim habent, Dn. Schröd. *in Resolut. LL.*  
*Cod. à que ipsò allegatus Gilken. quemadmodum & non pu-*  
*blicata, quæ sunt instar breviaturæ carentis solennitatibus,*  
*Gloss. in l. fideicommissa §. 1. & ibi Bart. de Legat. 3.* Tan-  
demque non reproducta, sterilia nulliusque efficacix sunt  
Carpz. *Lib. 3. Tit. 12. Responf. 119. n. 1.* Sic etiam acta coram  
successore anterioris Judicis debent reproduci, si ipsius sen-  
tentia

sententia valida esse debeat Bart. *in l. 11. vers. 3. C. de edend.*  
& *ibi Bald.* Ad hunc effectum pertinet etiam, quod acta  
semper loqui, atque perpetua dicantur. Vid. Gail. 2. *Obs. 80.*  
*n. 7.* Bertach. *in repert. Jur. p. 56. a. pr.* Unde & semper no-  
cent inter easdem personas Alciat. *Tom. 3. in l. 2. ff. de eden-*  
*do n. 59.* ei scil. cui nocet & sententia Bart. & Alex. *in l. 11. ff.*  
*jud. solv.* & fidem faciunt contra eos, quorum interest  
Mart. *cap. 9. Dig. nov. p. 1.* Hinc acta contra reum nocent  
& fidejussori, Alciat. *alleg. loc. Bertach. repert. l. 1. p. 52. b.*  
*col. 2. f.* & acta contra heredem presentem in causa quere-  
la, nocent legatariis *Id. ibid. p. 54. b. in f.* Et ita tertio inter-  
dum praeducant Alciat. *loco cit. n. 69.* Eodem pertinet  
quod acta vice originalis fungi dicantur secundum com-  
munem Doctorum Conclusionem *in Tit. 2. de Testibus.* Et  
instrumentum registratum ad acta, proberur per illud regi-  
strum vel acta, etiam si originale sit deperditum, ex iisque  
aliud desumi possit publicum exemplum, licet aliis exem-  
plo exempli non credatur. Bart. *in verb. registrum.* (2.)  
Effectus est, quod constringat potestatem iudicis, ut iuxta  
acta, non verò extra ea, secundum solam suam privatam  
conscientiam jus dicendum ipsi sit. Vid. Tulden. *ad Dam-*  
*bouder. c. 149. lit. b. & Dd. passim.* imò ipsi sententiae mode-  
retur, adedò, ut declarationem ex actis accipiat Donell. *lib. 37.*  
*c. 1. ibique Hillig. in not. Lit. M.* & sine actis lata sententia,  
nulla sit ipsò jure. Graven. *ad Gail. 1. Obs. 134.* (3.) Prae-  
terea Juris validum argumentum, quò ab autoritate Acto-  
rum negativè concludi potest, ita scil. ut quod in actis non  
reperitur, censeatur omisum *Gail. 1. Obs. 134. n. 15.* (4.) In  
iudiciis inferioribus secundum observantiam nonnulla-

luna

rurſum locorum repræſentant vicem Apoſtolorum, quorum  
locò dantur Gædd *ad l. 106. de V. S. n. 5.* (5.) Faciunt ad  
probationem Jurisdictionis præſertim contentioſæ, Ru-  
land. *de Commiſſar. p. 2. l. 5. c. 6. in f.*

Th. XIV.

Cum autem ſiniſtri nonnunquam aliquid actû acci-  
dat, de contrariis hîc agere, non inconueniens fuerit. Per-  
tinet igitur huic Interitus Actorum, ſive naturalis, puta ſi in-  
cendiò conſumantur, aut corrumpantur, deperdantur, ſur-  
ripiantur; ſive civilis, quando ex capite nullitatis, aut falſi,  
aut quod inſtantia peremta ſit, corruunt. Quod ſi incen-  
diò aut aliò caſu deperdita, duplici remedio partibus con-  
ſulitur; Vel enim teſtibus probanda, quæ geſta ſunt. Vid.  
*Gail. 1. Obſ. 134. n. 20. ſeq.* Frideric. *Proceſ. Sax. p. 2. c. 10. n.*  
*7. 13. ſeqq.* Weſemb. *ad Cœd. tit. de judic. n. 145. & alii. im-*  
*primis etiam Gilhauſ. arb. judic. c. 6. p. 1. §. 12. n. 4.* Vel de  
integrò procedendum; Ad quod poſterius e. g. fugiendum,  
quando acta à Judice, à quò manca edita, aut ineptè confi-  
gnata, tum enim Judex ſuperior totum priorem proceſſum  
caſſat, & partes de integrò audit Græv. *ad Gail. li. Concl. 84.*  
*n. 8.* Quod ſi à tertio detineantur, legitimis aduerſus eum  
remediis experiendum, ut edat, nec enim acta publica re-  
tineri poſſunt ut privata ab Advocatis, aut Actuariò. Vid.  
*Carpz. p. 2. Conſ. 25. def. 23.* Cæterum de ſurripiente a-  
cta, ſciendum eum furti teneri Wurmſer. *1. Obſ. 25. n. 3.* Fal-  
ſificans præter falſi pœnam, cauſâ cadit *Gail. 1. Obſ. 134. in f.*  
Pœna autem corruptentis, dilaniantis, aut lacerantis acta  
Judicii, quinquaginta aureorum eſt, quæ parti ultra falſi  
pœnam, applicanda veniunt *Marant. Dig. nov. c. 20.* Dixi-  
mus ſuprà peremtà inſtantia; Conſtat enim, quod ſi inſtan-

tia perimatur, v. g. quando reus ob ineptitudinem Libelli ab instantia absolvitur, perire etiam acta, quod tamen de solis ordinatorii Judicii, non etiam de probatorii causæ intelligendum Vid. Gail. *Obs.* 67. & *ibi Graven. num.* 1. 2. Wurmser. 1. *Observ.* 30. Parthen. *litig.* 2. 23. 6. Tusch. *concl.* 92. & latissimè Scaccia *de Appell.* qv. 15. *inf.* Uterque modus, quò acta interire solent, iterum est vel casualis & non voluntarius de quo hactenus, vel voluntarius atque spontaneus, quando scilicet cassantur, discerpuntur aut cancellantur, atque ita spontè. Ubi ulterius sciendum destructionem aliam esse legalem; atque necessariam, quæ fit à Judice, invitâ etiam alterutrâ, vel utraque parte; Vel conventionalem, quæ contrâ. Ista fit, quando discerpuntur tanquam lectu indigna, in pœnam atque ignominiam exhibentis, ut: si sunt injuriosa; quemadmodum nuper accidisse observavimus ex impressâ relatione in causâ Lauenburg contra Lübeck / die *Einlösung der Stadt Möllen betreffend.* Huc pertinet etiam, quando scripturæ post conclusionem in causâ, aut ineptus libellus, vel supplicationes etiam à concipiente, non subsignatæ offerenti redduntur, vel etiam quod Judici Juris liceat ineptum libellum dentibus lacerare. Conventionalis Cassatio sive destructio interdum accidit, quando partes pertaxæ processuum, lites injuriarum transactione componunt, eâ concordia lege, per modum amnestiæ dictâ, ut acta, quæ super eâ re excreverunt, ad sepeliendam collisionis pristinae memoriam, destruantur atque aboleantur.

Poste-



Possemus & nunc de Adfinibus Actorum nostrorum, nempe de Actis Notariorum, & Privatis commodè agere, sed tempus aures vellicans aliò nos citat, quæ propter hîc subsistere cogimur. DEO Ter Optimo Ter Maximo sit Laus, Honor & Gloria in sempiterna secula!

---

**B**artolus Heniochus juris perhibetur: At ejus

Fractus erat penitus temo,  
rotæque diu.

Non manus artificis desit, Wagnerus adesto,

Alter Erich-tonius, si reparabit, erit.

PRÆSES.

CON-

CONSULTISSIMO  
DNO. WAGNERO,  
J. U. Ddo.

Præfecto Römhildensi  
designato,

*Amico suo à primis Academicæ  
vita temporibus certissimo :*

**P**ublica jam nobis demonstras Acta :  
Cathedra,

Te probat : applaudunt, Musa,  
Themista, forum.

Musa Tibi laudem parat ; acta Themi-  
sta loquetur

Oppressis ; Fora dant, (gratulor!)  
officium.

*Cum voto omnigenæ prosperitatis  
hæc scribeb.*

Johann Georg Simon, D.

Allu-

Allusio ad *epigramma* Julii Cæsaris:

Veni, Vidi, Vici,

In Bello Pontico ad amicos

*scriptum,*

cit. Christ. Matth. in Theatr. histor.

p. 424.

**UT** *venias, videas, vincas, A DFIN IS*  
Amande,

Sunt mea vota, piâ quæ tibi mente dedi.

Optatò *venias* spectati ad culmen honoris,

quod vigili tandem sedulitate petis!

Tot *videas* fructus studiorum lætus adeptos,

Guttas cæruleæ quod Sala volvit aquæ!

Cumque sit omnis honos onus intolerabile

multis,

*Vincas* illud, erit tunc tibi semper honos!

*Hicce Dn. Adfini suo unice dilecto*

*& in almâ Salanâ jam commemoranti*

*de novis honoribus gratulatur*

*ac propitios Viales*

*precatur*

M. Johann Ludovicus Winter/

Eccl. Sulanæ Past. &

Superint.

D

Præ-

**P**ræclari quondam *soboles* præclara *Parentis*  
nunc dudum meriti culmen honoris  
adis.

*Ausibus* hisque bonis exæquas, auspice Jova,  
spem, quod conceptam patriâ cara  
fovet.

Quæ spes hæc? ornat te summa *scientia Juris*  
atque tuum *Praxis* nomen ad astra vehit;  
Spes hinc affulget, serè mox ut prora salutis  
puppisque evadas civibus ipse tuis.

(a) *Audentem* DEUS alme juva, fac (b) *creseat* ut  
(c) *arbor*

*justitia ac laudi planta sacrata tuæ!*

(a) Wagner vom Wagen/ audendo.

(b) Ephraim heisset ein Gewächs oder Frucht.

(c) als Bäume der Gerechtigkeit und Pflanzen  
des H. Ern zum Preis/ Esai. 61. v. 13.

*Id quod plur. honorando*  
*Dno. Civi atque Affini suo cordicitus*  
*apprecatur*

M. Jacobus Mylius,  
Scholæ Sulanæ  
RECTOR.

Am-

**A**mplius heic nullo, FAUTOR, sub JUDI-  
CE lis est.  
PUBLICA demonstrant fortiter ACTA  
VIRUM.

*Hac pauca in honorem Consultissimi*

*Dni. Doctorandi adjicere*

*debuic*

Friderich Scriba.

---

**J**udicis ACTA probant? sic est; sed JUDI-  
CE JUSTO,  
ACTA probent fontem PUBLICA;  
PRIVA reum.

*Hacce pauca adjicere voluit*

Johann Heinrich. Salefeldt.  
Bodenw. Brunswigius.

**J**udicis officium est, lites finire molestas:

Aurea pax summum *Judicis officium* est.

Quam benè VIR INGENS, odium compo-  
nere tentas!

Quam benè Te sequitur *Judicis officium!*

*Judi-*

*Judicis officium* coelo plaudente, & ovante  
Justitiâ ut gestes, corde manuque precor.

*Gratulabundus scrib.*

Jo. Henricus Nerlich.  
Lipf.

---

**P**Ræmia jurè petis, nec non WAGNERE re-  
portas,  
digna tuis studiis, digna labore Tuo;  
Namque Tibi summos Themidis Doctoris ho-  
nores  
confert, & Lauro cingit Apollo caput.  
Hinc, quia certatim docti gratantur honori,  
Musa Tibi defert debita vota mea,  
Grataturque diu vivas, vigeasque superstes,  
Presfis auxilium sis, patriæque salus!

*Nobilissimo Dno. Fautori suo  
at atèmolendo  
applaudis*

Christianus Saccus, Not.  
Publ. Cæs.

**F I N I S.**







Jena, Diss., 1671 Si-Z

ULB Halle 3  
005 360 692



Vd 17







B.I.G.

Farbkarte #13

*Pra. 21. num. 29.*  
*1671.45*  
*28*

O INAUGURALIS  
IRIDICA  
DE  
PUBLICIS  
SIVE  
IALIBUS,

*Quam*  
Facultatis indultu  
PRÆSIDE  
NE STRAUCHIO,

is. Ducum Saxoniae, nec non Cel-  
ANDI ALBERTI, Ducis Brunsvic. & Lünæ-  
ltatis Juridicæ Seniore, Curiae Provincialis &  
avissimo, ac p. t. DECANO splen-  
didissimo,

Promotore suo singulari-  
do atque suspiciendo  
LICENTIA

Jure consequendis honoribus  
isque Doctoralibus,  
*in disquisitioni submittendo,*  
*defensum ibit*

GENER, SULA FRANCUS,

æfectus Rörnhildensis  
prilis, MDC LXXI.

IS JOHANNIS NIS

